

Addysg / Education

Pennaeth Addysg /
Head of Education – Garem Jackson

Gofynnwch am/Ask for: **Moderneiddio Addysg**
Ein Cyf / Our Ref: **Ysgol Abersoch**
(01286) 679247
Eich Cyf / Your Ref:
(01286) 677347
ModerneiddioAddysg@gwynedd.llyw.cymru



11 Tachwedd 2021

At:Holl ymgynghorai yn gysylltiedig â'r cynnig i gau Ysgol Abersoch ar 31 Rhagfyr 2021 a chynnig lle i ddisgyblion yn Ysgol Sarn Bach o 1 Ionawr 2022 yn unol â'r Cod Trefniadaeth Ysgolion (11/2018)

Annwyl Ran-ddeiliad,

Parthed: Y cynnig i gau Ysgol Abersoch ar 31 Rhagfyr 2021 a chynnig lle i ddisgyblion yn Ysgol Sarn Bach o 1 Ionawr 2022.

Yn ei gyfarfod ar 9 Tachwedd 2021, yn dilyn rhoi ystyriaeth gofalus i sylwadau'r Pwyllgor Craffu Addysg ac Economi, bu i'r Cabinet benderfynu peidio addasu'r penderfyniad a wnaethpwyd ar 28 Medi 2021, a chadarnhawyd yn derfynol y cynnig i gau Ysgol Abersoch ar 31 Rhagfyr 2021 a chynnig lle i ddisgyblion yn Ysgol Sarn Bach o 1 Ionawr 2022.

Datblygwyd y cynnig i gau Ysgol Abersoch ar 31 Rhagfyr 2021 a chynnig lle i ddisgyblion yn Ysgol Sarn Bach o 1 Ionawr 2022 o ganlyniad i'r prif heriau oedd yn wynebu'r ysgol, sef:

- niferoedd yn yr ysgol yn peri pryder - ym Medi 2020, roedd 8 disgybl llawn amser, a 2 ddisgybl meithrin
- maint y dosbarthiadau yn fychan – gyda 10 disgybl yn cael eu dysgu mewn un dosbarth cymysg eu hoedran. Rhagolygon yn dangos 10 o ddisgyblion yn 2021, 12 o ddisgyblion yn 2022, a 12 o ddisgyblion yn 2023
- data Medi 2020 yn dangos bod 26 disgybl yn byw yn nalgyloch Abersoch gyda 21 ohonynt yn mynychu ysgolion eraill. Dengys hefyd bod 5 disgybl tu allan i ddalgyloch Abersoch yn mynychu Ysgol Abersoch
- Ysgol Abersoch yn derbyn swm ychwanegol i'r dyraniad arferol trwy'r polisi gwarchodaeth lleiafswm staffio (sy'n gwarantu o leiaf pennaeth ac athro ym mhob ysgol, phennaeth a chymhorthydd mewn ysgolion sydd â llai na 15 o ddisgyblion). Cyfanswm y swm ychwanegol yma yn ystod y flwyddyn ariannol 2020/21 (yn seiliedig ar niferoedd Medi 2019) oedd £52,582. Cost fesul disgybl Ysgol Abersoch yn y flwyddyn ariannol 2020/21 oedd £17,404, o gymharu â chyfartaledd Sirol cost y disgybl am yr un cyfnod o £4,198
- nifer o lefydd gweigion – mae 76% o lefydd gweigion yn yr ysgol (32 mewn nifer).

Wrth benderfynu ar y cynnig, bu i'r ffactorau canlynol gael eu hystyried gan y Cabinet yn unol â gofynion y Cod Trefniadaeth Ysgolion (11/2018):

- Ansawdd a safonau mewn addysg
- Yr angen am leoedd a'r effaith ar hygyrchedd ysgolion
- Adnoddau addysg a goblygiadau ariannol eraill
- Ffactorau cyffredinol eraill
- Ffactorau penodol wrth ystyried cau ysgolion

Swyddfa'r Cyngor
Caernarfon
Gwynedd LL55 1SH
01766 771000
www.gwynedd.llyw.cymru

Addysg / Education

Pennaeth Addysg /
Head of Education – Garem Jackson

- Yr effaith debygol ar wahanol drefniadau teithio
- Yr effaith debygol ar y Gymuned
- Yr effaith debygol ar yr Iaith Gymraeg
- Yr effaith debygol ar ansawdd a safonau addysg
- Cydraddoldeb
- Gofynion Deddf Llesiant a Chenedlaethau'r Dyfodol 2015

Cadarnhawyd y penderfyniad yng nghyfarfod y Cabinet ar 28 Medi 2021 yn dilyn cynnal cyfnod gwrthwynebu statudol rhwng 25 Mehefin a 23 Gorffennaf 2021. Crynhoir y gwrthwynebiadau dderbyniwyd ynghyd ag ymateb yr awdurdod lleol yn yr adroddiad gwrthwynebu a gyflwynwyd i'r Cabinet ar 28 Medi 2021 ac yn ddiweddarach ar 9 Tachwedd 2021. Mae'r adroddiad yma ynghyd â dogfennau perthnasol eraill ar gael ar www.gwynedd.llyw.cymru/moderneiddioaddysg.

Yn dilyn ystyried yr adroddiad gwrthwynebu, yr oedd y Cabinet yn fodlon mai'r cynnig i gau oedd yr opsiwn mwyaf priodol ar gyfer y sefyllfa yma gan na fyddai'r un o'r opsiynau eraill a adnabuwyd, gan gynnwys ffederaleiddio, yn mynd i'r afael â'r prif heriau sydd yn wynebu'r ysgol. Roedd y Cabinet yn fodlon hefyd fod y cynnig yn arwain at gyfleoedd mwy cyson i blant y dalgylch, ac yn cyflawni dyheadau strategol y Cyngor sef:

- Maint Dosbarthiadau (ac amrediad oedran) - disgyblion i gael eu haddysgu mewn dosbarthiadau o faint mwy addas na'r sefyllfa bresennol. Byddai gweithredu'r cynnig yn arwain at well cysondeb mewn maint dosbarthiadau a lleihau'r ystod oedran o fewn dosbarthiadau ysgolion cynradd yr ardal.
- Poblogaeth a Niferoedd disgyblion - disgyblion i gael eu haddysgu mewn ysgol ble mae'r niferoedd a rhagamcanion yn fwy cadarn a chynaliadwy ar gyfer y dyfodol, a lleihau'r gyfradd o lefydd gweigion yn ysgolion yr ardal.
- Arweinyddiaeth - arweinyddiaeth a rheolaeth gadarn mewn ysgol sydd â niferoedd yn caniatáu i Bennaeth gael tegwch i arwain a rheoli yn broffesiynol yn yr ysgol.
- Y Gymuned – I liniaru unrhyw effaith negyddol posib ar y gymuned mae'n bwysig sicrhau y byddai cymuned Abersoch yn cael eu cynnwys yng ngweithgarwch yr ysgol amgen, a bod cydweithio cymunedol rhwng yr ysgol amgen a chymuned Abersoch yn cael ei annog.
- Adnoddau Ariannol - Rhesymoli cost fesul disgybl mewn ysgolion a fyddai'n lleihau'r amrediad mewn cost y disgybl i holl blant Gwynedd. Amcangyfrifir y bydd gwireddu'r cynnig yn arwain at gost fesul disgybl o £4,683 yn Ysgol Sarn Bach o gymharu â'r £17,404 y disgybl presennol yn Ysgol Abersoch. Y cyfartaledd sirol ar gyfer yr un cyfnod yw £4,198 y disgybl. Amcangyfrifir y byddai'r cynnig arfaethedig yn creu arbediad blynyddol o £110,062, llai costau anghenion cludiant ychwanegol (£14,000) – sef oddeutu £96,062 y flwyddyn.
- Yr Iaith Gymraeg – disgyblion i gael eu haddysgu mewn ysgol cyfrwng Cymraeg, fel y sefyllfa bresennol, ac mewn ysgol ble mae defnydd cymdeithasol o'r Gymraeg yn gryf.
- Ffactorau Daearyddol - byddai'r disgyblion yn parhau i dderbyn eu haddysg mewn ysgol o fewn pellter rhesymol i'w cartrefi ac yn derbyn cludiant yn unol â pholisi'r Cyngor.

Mae'r adroddiad a gyflwynwyd i'r Cabinet ar **28 Medi 2021** ac yna ar **9 Tachwedd 2021** yn ymhelaethu ar y cefndir, a'r broses statudol gan gynnwys yr ymgynghoriad a'r cyfnod gwrthwynebu, yn ogystal a'r ystyriaethau uchod. Mae'r adroddiad yma ynghyd â dogfennau perthnasol eraill ar gael ar www.gwynedd.llyw.cymru/moderneiddioaddysg.

Swyddfa'r Cyngor
Caernarfon
Gwynedd LL55 1SH
01766 771000
www.gwynedd.llyw.cymru

Addysg / Education

Pennaeth Addysg /
Head of Education – Garem Jackson

Yn unol â'r penderfyniad uchod, bydd **Ysgol Abersoch yn cau ar 31 Rhagfyr 2021**, a bydd y disgyblion yn trosglwyddo i Ysgol Sarn Bach, oni bai fod rhieni yn dewis gwneud cais i drosglwyddo i ysgol arall. Ysgol Sarn Bach fydd yr ysgol ddalgylch ar gyfer dalgylch presennol Ysgol Abersoch i'r dyfodol.

Yn gywir,



Garem Jackson
Pennaeth Addysg